

recht wider müessen hinweg schaiden, und hette ainer rittersporn gefiert, außgenommen aingesessen burger der statt Nördlingen, von wegen das sy die urtail ainem rat gegeben, hat man in rechts gestattet.<sup>1)</sup>

Item ain anlager und antwurter haben den fürsprechen, so die urtail zue Nördlingen geholt, müessen geben vierundzwanzig  $\mathcal{S}$ , yetz holt man die zu Kirchhein. Ain alt herkommen ist auch, wo ain flurer vich im veld, das schaden getan hat, begriffen, es sei genant und wie es sey, so hat man jenen, des das vich was, gestraft bei der ainung und noch soll thon, und ist die ainung drei  $\mathcal{S}$ , da hat man weg und steg mit gepauen und solls noch heut thon. Item es hat auch kain vogt von ains dorfs wegen oder ainer gemaind on kainen vierer, auch kain vierer on ain vogt widerumb nichts zue gepieten oder zue schaffen was swerer bot seynd unerinnert der zwelfer.

#### Vons undergangs wegen.

Item von undergangs wegen zue veld oder zû dorf, wa man nit findet rain oder stain, so hat man niemand darumb ze piessen, was man ainem hin hat gangen, es hat auch denselben undergang nit ze strafen, und ist allwegen also herkommen.

Item die undergenger müessen auch ainem lantvogt sweren ausserhalb des etters Bentzenzimmer auf dem veld.

Item es soll auch ain widenman hie zue Zzimmer haben alles ganz vich, das ainem dorf gemeß sei, darumb gat dem widenman als sein vich auß frey ledig für pfrönd und der ochs soll gan im flur.

#### Von der frävel wegen.

Item wann ain auflaf wirt und beschicht hie im dorf Bentzenzimmer an ainem pannen tag nnd ain messer zuckt wirdt, so ist

<sup>1)</sup> In D ist hier unten am Rand von einer Hand des 18. Jahrh. bemerkt: Dieser articul lautet in copia quadam antiqua davon diese zum teil fehlerhafte abschrift genommen ist eigentlich also: Item eß ist auch ain alte ebehaftin deß dorfs zue Benzenzimmern wan ain fremder und außwendiger man oder frau ist chumen und hat rechtz begert, hat derselbig außwendig ainß widerrechten dasselbst wöllen sein, so hat man im recht lassen gan. Hat er aber daß nit wöllen sein, so mueß er wider weg und hett rittersporn gefürt, außgenommen eingesessen bürger der statt zue Nördlingen, von deßwegen daß sye die urtayl aynem rat haben geben wie dan oben geschriben statt.

Von der hier erwähten „copia antiqua“ ist sonst nichts bekannt.